

Biolentziaren biktimen lan taldean ez dute parte hartuko PSE-EE, PP eta UAk

Ponentzia eratzeko eginiko bozketan ez zuten parte hartu nahi izan hiru alderdiok

Felix Iriarte / Gasteiz

Motz geratuko da biolentziaren biktima guztiak aztertzeko Gasteizko Legebiltzarrean eratu den lan taldea. PPk, PSE-EEK eta UAK jakinarazi dute ez dutela parte hartuko batzordean, lan talde horrek bereziki «terrorismoaren biktimak» hartu behar lituzkeelako aintzat, eta ez biolentzia politikoak eragindako guztiak.

GIZA Eskubideen Batzordeak lehen bilera egin zuen atzo, eta aurreko legegintzaldia amaitu bezala hasi zen: akordiorik gabe, eta bi bloketan banatuta. Kasu honetan, ordea, abertzaleek bat egin zuten eta lubakiaren beste aldean PP, PSE-EE eta UA kokatu ziren.

Batzordeak, abertzaleen botoekin, erabaki zuen «biolentzia guztienbiktimak» aintzat izango duen lantalde bat eratzea, bake prozesuan biktimen protagonismoa garrantzitsua delakoan. Alderdi espainolistek, haatik, nahi dute lantalde horrek ETaren biktimak bakarrik aintzat hartzea, eta ahalegin guztiak egin dituzte hala izan dadin. Ez dute lortu, ordea, eta porrotaren ondoren eratutako lantaldean ez zutela parte hartuko jakinarazi zuten.

PP, PSE-EE eta UA ez zeuden konforme lantaldearen sorrera atzo eztabaidatzearekin. Izan ere, bihar osoko bilkuran eztabaidatuko da «terrorismoaren biktimak» bakarrik kontuan izango duen lantaldea sortu edo ez, eta alderdi espainolistek nahi zuten datorren asterako uztea atzoko eztabaida. Hala eskatu zuten, baina gehiengo ez dutenez, eskaera bertan behara geratu zen.

Batzordea eratzeko bozketan ez zuten parte hartu, baina gero botoa adierazteko txanda eskatu zuten. Inigo Urkullu batzordeko lehendakariak ez zien hitza eman, argudiatuz ezin zutela botoa esplikatu bozketan parte hartu ez zutelako. Horrek hase-



JOSEBA OLALDE

PPko, PSE-EEKo eta UAko ordezkariak, atzo, Giza Eskubideen Batzordearen bileran, elkarrekin hitz egiten.

rre bizian jarri zituen PP, PSE eta UAko ordezkariak.

Eztabaidaren alde eta aurka

Biharko osoko bilkuraren ostean hartuko dute behin betiko erabakia hiru alderdiek. PSE-EEK eskatuko du zehazteko lantaldearen helburua, hau da bertan biolentzia politikoak kaltetutako kideak agertuko diren edo baita ere gaizkileek eragindako biktimak. Aitzaki hori jarri zuen Huertas lantaldea arbuizatzeke. Hala ere, argitu zuen PSE-EE prest dagoela GAL taldeak edo talde paramilitarrak eragindako biktimak batzordean hartzeko eta eztabaidatzeko. «Terrorismoaren biktimek lehentasuna izan behar dute», argitu zuen, hala ere Manuel Huertasek.

PPk eta UAK ez dute hori ere onartuko. Baldintza modura jarri dute lantaldea ETaren biktimentzat bakarrik izatea, eta beste biolentziek eragindakoa beste lantalde baten aztertzea anartuko balu ere, inoiz ez guztiak «nahastea». UAK popularren jokabide bera izango du.

Botoari buruzko adierazpenak galaraztea biziki gaitzetsi zuten alderdi espainolistek. «Lantalde hori sortu izanarekin zerbait larria estali nahi dute, eta larriena da ez dutela adierazi nahi izan», esan zuen Enriqueta Benito UAkoak.

Jose Antonio Rubalcaba jeltzaleak, izan ere, arbuia zuen biktimen gaia osoko bilkurara eramatea. Biktimekiko errespetua aldarrikatuz, esan zuen ez dela «ona» jendaurreko eztabaida egitea, eta lantaldean egiteko eskatu zien. Huertasek, UAkoak bezala, gaitzetsi egin zuen Rubalcabaren ikuspuntua. «Harrigarria da jendaurreko

eztabaida arbuizatzea. Zerbait ezkutuan gorde nahi izango du», esan zuen.

Jone Goirizelaia EHko kideak, ordea, espainolisten jokabidea kritikatu zuen. «Adierazgarria da ikusi duguna. Biktimei buruz hitz egiten izan dira une oro UA, PSE-EE eta PP, eta lantaldea eratzea atzeratu nahi izan dute. Garbi geratu da biktimak erabili nahi dituztela euren mesederako», adierazi zuen. Goirizelaia lantaldeko kide izango da, eta bertan nabarmenduko du Euskal Herria dela «benetako biktima», eta «biolentzia instituzionala» ere kontuan izan beharko dela

Pique: «Terrorismoaren biktimez gain, besteez aritzea iseka egitea da»

■ Efe / Madril

JOSEP PIQUE Madrilgo Gobernuko eledunak adierazi du «iseka» egitea litzatekeela Gasteizko Legebiltzarreko Giza Eskubideen Batzordea «terrorismoaren biktimen» eskubideak ez diren beste zerbait aztertzea. Adierazpen horiek Senatuko korridoreetan egin zituen, Gasteizen biolentzia guztiek eragindako biktimen eskubideak aztertzeko lan taldea sortu eta gero.

«Kontraesan bat da

Gasteizko Legebiltzarrean giza eskubideaz aritzea, eta honek balio ez izatea bakar-bakarrik terrorismoaren biktimen eskubideak ezagutzeko eta bai beste helburu batzuk lortzeko. Konstituzioaren garapen demokratikoa begibistakoa da», esan zuen.

Biktimak bake prozesuan «garrantzitsuak» izango direla uste du Piquek. Zalantzan jarri zuen bake bidea egitea, horretarako ETak armak utzi behar lituzkeelako.

Juan Jose Ibarretxe BAKeko ordezkariekin bildu da

■ Talde guztiekin elkarriketarako egiteko txanda abiatu du

Erredakzioa / Donostia

BAKE prozesuaz hitz egiteko bildu zen atzo Juan Jose Ibarretxe lehendakaria Bakearen Aldeko Koordinakundea taldearekin. Xabier Olla, Imanol Zubero eta Pedro Luis Arias izan ziren taldeko ordezkariak, eta kale indarkeriari buruzko agiri bat eman zioten lehendakariari. Koordinakundek «solidaritete sare» baten aldeko apustua egin du. Hurrengo egunetan, Ibarretxek elkarriketekin jarraituko du eta gizarte mugimendu, komunikabide eta sindikatuekin bilduko da.

Rubiok eginiko irregulartasunak ez aurkitzea litekeena dela dio Fernando Corderok

Erredakzioa / Donostia

FERNANDO CORDERO Nafarroako Ekonomia eta Ogasun Departamentuko ordezkariak atzo adierazi zuenez, baliteke Jose Galbeteren nominetako diruarekin Maria Jose Rubiok eginiko irregulartasunak ez atzematea. Corderok Auzitegian azaldu zuenez, Galbeteke Poliziako Goi Buruzagitzatik jasotzen zuen nomina Madrilan fiskalizatzen zen, eta Ordezkaritzatik modu irregularrean bideratu zuena Nafarroako Foru Aldundiko Ogasun Ordezkaritzan fiskalizatzen zen. Galbeteke gobernuko ordezkari izan lan egiteari uzti zionean, Rubiok soldata hori nominen barnean sartzen jarraitu zuen eta horrela lau milioi pezetara ateratu zituen ilegalki (160 mila libera inguru).

Mariano Berduque eta Maria Jose Ruboren aurkako epaiketaren sei lekukok hartu zuten parte atzo, hoietatik lau Nafarroako Ogasun Ordezkaritzako funtionariak. Gaur Berduqueren defentsak aurkeztutako beste sei lekukok hartuko dute parte; hoien artean Iruñean Poliziaren buru nagusia izan zen Antonio Pascual Asín aurkitzen da.